

本
草
從
新

本草從新卷十一目錄

菜部 葷辛類二十三種

韭 葱白 薤 大蒜 藟藟 白芥子

莫青子 萊菔子 萊菔 生薑 薑汁 薑皮

煨薑 乾薑 黑薑 胡荽 大茴香 小茴香

胡蘿蔔 水芹 旱芹 蓬蒿菜 白菜

柔滑類二十種

菠菜 薺菜 莧菜 馬齒莧 生菜 蒿苳

蒲公英 翹搖 萁菜 羊蹄 萎菜 黃瓜菜

魚鱈草 蕨 芋 土芋 山藥 甘藷

百合

竹筍

蔬菜類七種

茄子

蘆蘆

冬瓜

南瓜

越瓜

胡瓜

絲瓜

水菜類五種

茭白

紫菜

海粉

石花茶

龍鬚菜

芝栢類四種

木耳

香蕈

磨菰蕈

雞枞

本草從新卷十一

菜部 葷辛類 柔滑類 蔬菜類 水菜類 芝栢類

非 補陽散瘀

辛溫微酸溫脾益胃止瀉痢而散逆冷助腎補陽固精氣而

腰膝散瘀血逐停痰方血分而行氣治吐衄損傷一切血

病搗汁重噎隔反胃胃脘痛能治瘀血停痰在胃口致反胃

汁薑汁牛乳細細溫服韭汁散瘀薑汁下氣消痰和胃牛乳

解熱潤燥補虛也有食熱物及有怒致死益胃中作痛者

宜加韭汁桔梗入藥開提氣血有腎氣上攻致解藥毒食毒

心痛者宜韭汁和五苓散為丸空心茴香湯下解藥毒食毒

狂犬蛇蟲毒經曰毒藥攻邪五穀為養五畜為益五菜為充

藿也大蒜白漢張養使西域多食神昏目暗忌蜜百歲

始得種入中國故一名葫非慈白菜部

韭汁灌之即出痔耳出水韭汁日滴
三次效漆瘡作瘰韭葉并傳之即愈

韭子補肝腎

辛甘而溫補肝腎助命門暖腰膝治筋痿遺

尿洩精溺血白帶白淫

經曰足厥陰病則遺尿思想無窮入房太甚發為筋痿及為白淫韭子同

龍骨桑螵蛸能治諸病以其入厥陰補肝腎命門不足命門者藏精之府也

下部有火而陰氣

不固者勿服

蒸曬炒研

藏器曰夢遺溺白每日空心生吞韭子二十粒鹽湯下

葱白

輕發表和裏宣通暢活血

辛散而平

隱居曰白冷青熱傷寒方中不得用青

發汗解肌通上下陽氣

仲景白通

傷通脈四逆湯益加之以通脈回陽若面赤而格陽于上者尤須用之

治傷寒頭痛時疾熱狂

陰毒腹痛

陰證厥逆安臍上熨之

腳氣奔豚益目睛

白睛屬肺

利耳鳴通二

便

時珍曰葱白吹鹽入玉莖中治小便不通及轉脬危急者極效

氣通則血活

氣為血帥故治吐血

血衄血便血痢血折傷出血火熨研封乳癰風痺通乳安胎

合香豉阿膠治胎動通氣故能解毒殺藥毒魚肉毒蚯蚓毒塗獬犬傷

多食令人神昏髮落虛氣上冲 取白連鬚用同蜜食殺

人百一方患外痔者先用木鼈煎湯薰洗以青葱涎對蜜調敷其涼如冰同棗食令人病合犬

雉肉食令人病血 青葉治赤病足腫莖葉煮湯漬之日三五次妙汁

金瘡出血取葱炙熱援汁塗之

薤一名菖子○滑利寢泄滯

辛苦溫滑下氣調中散血生肌泄下焦大腸氣滯治泄痢下

重好古曰下重者氣滯也四逆散加此以洩滯按裏急後重有氣虛血虛火熱風燥之不同宜隨證施治勿專執一說

胸痹刺痛肺氣喘急取其滑泄安胎和產塗湯火傷和蜜滑利

之品無滯勿用補虛之說切勿信之 葉似韭而中空其葉光滑

露亦難貯 故云薤露根如蒜取白用

大蒜即葫○宜通氣辟惡

辛熱有毒開胃健脾消穀化食肉食尤驗辟穢驅邪通五臟達諸

竅凡極臭極香之物皆能通竅去寒滯解暑氣辟瘟疫消癰腫搗爛麻油調敷破

癥積搗貼亦妙殺蛇蟲蠱毒治中暑不醒搗和地漿溫服搗貼足心能引

熱下行治鼻衄不止搗納肛門能通幽門治關格不通敷臍

能達下焦消水利大小便切片灼艾灸一切癰疽惡瘡腫核

李迅癰疽方論云癰疽著灸勝於用藥緣熱毒中膈上下不通必得毒氣發泄然後解散初起便用獨頭大蒜切片灸之

三壯一易百壯為率但頭項以上切不可灸恐引氣上更生大禍也史源云有灸至入百壯者約文一節初壞肉不痛直

灸到好肉方痛至夜火煖滿背高阜頭孔
數百則毒外出否則內逼五臟而危矣
性熱氣臭生痰

勸少散氣耗血昏目損神伐性
五葷皆然而蒜尤甚楞嚴經云五葷熟食發淫生啖增悲

釋氏以其有損性靈故絕之也練形家以小蒜大蒜韭薤薑
胡荽爲五葷道家以韭薤蒜薤薑胡荽爲五葷佛家以大蒜
小蒜與渠葱蒜茗葱爲五葷葱蒜冬葱也茗葱山葱
也與渠西域之菜云卽中國之葵一說卽何薺也
虛弱有

熱之人切勿沾唇 獨頭者佳忌蜜

薑薑 一名油菜○宜散血消腫

辛溫散血消腫搗貼遊風丹腫
孫思邈身驗神效 及乳癰 多食動

疾發瘡 子功用略同治難產 油能殺蟲
禾苗生蟲藥菜油煎滾乘熱灑

掃之卽除
豆油亦可

白芥子 宜利氣豁痰

辛溫入肺通行經絡發汗散寒溫中開胃利氣豁痰丹溪曰痰在脇

下及皮裏膜外非此不能達行韓悉三子養親湯白芥子主

痰下氣寬中蘇子主氣定喘止嗽嗽蘇蘇子主食開痞降氣各

微炒研看所主為君治老人消腫止痛痰行則腫消氣行則

痰嗽喘滿懷食而氣實者病止為未醋調敷消

凝治咳嗽反胃痹木脚氣筋骨諸痛痰氣阻滯陰虛火亢氣虛

久嗽者勿服北產者良煎湯不可太熟熟則力減葶葉

動風動氣有瘡瘍痔疾便血者俱忌芥菜子豁痰利氣主

治略同芥菜辛熱而散能通肺開胃利氣豁痰久食則積

溫成熱辛散太甚耗人真元昏目發瘡

蔓菁子即蕪菁一名諸葛菜○瀉熱利水明目

苦辛平瀉熱解毒利水明目古方治目用之最多治黃心搗腹脹搗研

飲或吐或利腹癥瘕積聚小兒血痢蜜和汁服切瘡疽搗敷皆

敷禿瘡鹽調敷乳癰冬採根用敷蜘蛛咬毒藏器曰蔓菁中無蜘蛛時珍曰蔓菁子可升可降能汗能

吐能下能利小便明目解毒實熱相宜虛寒勿使根解其功甚偉世罕知用何哉

酒毒末服塗諸熱毒和薑薑根搗汁雞子清調搗敷陰囊腫大或不用薑薑單搗亦可

如斗葉利五臟消食下氣治嗽飛絲入眼用葉揉爛帕包摘汁三兩點自出也

萊菔子宜破氣除痰消食

辛溫長於利氣生用能吐風痰散風寒發瘡疹炒熟能定咳

嗽痰喘丹溪曰治痰有衝牆倒壁之功調下痢後重止內痛消食除膨虛

弱者服之氣喘難布息俗名蘿蔔子年久頭風生薑等分搗汁入麝少許搗鼻

萊菔宣破氣化痰消食

辛甘平生食升氣熟食降氣寬中消食化痰散瘀治吐衄咳

嗽吞酸利二便解酒毒制麪毒豆腐積腐漿見萊菔則難收生擣塗跌

打湯火傷治噤口痢 耗氣滲血白人鬚髮服首烏地黃者尤忌之○生薑

能制其毒 萊菔菜辛苦溫功用略同亦甚消伐

生薑 宜散寒發表開痰止嘔

辛溫行陽分而祛寒發表宣肺氣而解鬱調中暢胃口而開

痰下食治傷寒頭痛傷風鼻塞辛通入肺欬逆嘔噦有聲有物為

為噦有物無聲為吐其證或因寒因熱因食因痰氣逆上冲而然生薑能散逆氣 家聖藥 胸壅痰隔寒

痛涇瀉消水氣行血痺通神明去穢惡殺牛夏南星茵藷野

禽毒野禽多食半夏故有毒生薑能解之 辟霧露山嵐瘴氣早行含之 葉食鱸成

激精汁飲即消

薑汁 潤開痰

辛溫而潤治噎膈反胃

同韭汁梨汁竹瀝童便人乳蜂蜜鹽尿地栗汁蔗漿藕汁等出入酌用

救暴卒

凡中風中氣中暑中惡暴卒等證薑汁和童便飲效薑汁開痰童便降火也

療狐臭

頻搽

凍耳

熬膏

貼風溼痺痛

和黃明膠熬

薑皮

和脾行水

辛涼和脾行水治浮腫脹滿

以皮行皮五皮散用之○古方以薑茶治痢熱痢面皮冷痢去

皮大

妙

煨薑

和中止嘔

用生薑權其散用乾薑權其燥唯此略不燥散凡和中止嘔

及與大棗並用取其行脾胃之津液而和營衛最爲平安

老薑洗淨用溼粗草紙包炭火內煨令草紙純焦并薑外皮

微焦中心淡黃色則透矣切片

乾薑

燥溫經逐寒宣發表通脈

辛熱逐寒邪而發表溫經燥脾溼而定嘔消痰同五味利肺

氣而治寒嗽開五臟六腑通四肢關節宜諸絡脈治冷痺寒

痞反胃下利腹痛癥瘕積脹開胃扶脾消食去滯 母薑曬

乾爲乾薑曰淨結實者良

如懼其散炒黃用或炒微焦○市皆將乾薑泡淡用之殊屬可笑

黑薑

燥回陽

辛苦熱大除胃冷而守中

辛則散炮則稍苦故止而不移非若附子走而不守去臟腑

沈寒銅冷能去惡生新便陽生陰長故吐衄下血

炮黑止吐衄諸血紅

見黑則止也有陰無陽者宜之亦能引血藥入氣分而生血故血

虛發熱產後大熱者宜之

此非有餘之熱乃陰虛而陽無所附也忌用表藥寒藥炮薑能入肝

引眾藥生血故與補陰藥同用而熱自退乃熱因熱用從治之法故亦治目睛久赤引以黑附能入腎

而祛寒淫能回脈絕無陽通心助陽而補心氣

苦入

乾薑

炮黑爲黑薑 按薑味大辛辛能僭上

好古曰服乾薑以治中者必僭上宜大棗

輔之亦能散氣走血

辛熱最能動血

損陰傷目凡陰虛有熱者勿服孕

婦尤忌

龜鼻不通乾薑末蜜調塞鼻中即通

胡荽 宜發痘瘡辟惡氣

辛溫微毒主消穀止頭痛通小腹氣及心竅利大小腸其香

竄辟一切不正之氣痧疹痘瘡不出煎酒噴之痘疹不出用酒煎沸勿令

洩氣候冷去滓微微從項以下噴身令遍除頭面勿噴蓋覆令暖即出久食損人精神令人

多忘病人食之腳輒孩子赤丹胡荽汁塗之面上黑子胡荽煎湯日日洗之

大茴香 古作藿香○燥補腎命治寒疝

辛溫暖丹田補命門開胃下食調中止嘔療小腸冷氣癰疝

陰腫疝有七種氣血寒水筋脈癰也屬肝經病以厥陰肝脈絡陰器也多因寒溼所致亦有挾虛者當加參朮於溫

散藥中 腹痛霍亂乾溼腳氣 能昏目發瘡若陽道數舉得熱

則吐者均戒 產室夏大如麥粒輕而有細稜疝氣入腎茴香少作二包

更換
疑之

小茴香 一名蒔蘿○理氣開胃

辛平理氣開胃亦治寒疝食料宜之

煮臭肉下少許即無臭氣臭醬入末亦香大茴

尤捷故名茴香

小如粟米炒黃得酒良得鹽則入腎發腎邪故治

陰疝

受病於肝見證於腎大小茴各一兩為末豬胞一箇連尿入藥酒煮爛為丸每服五十丸

八角茴

香

又名舶茴香

辛甘平功用略同自番舶來實大如柏實裂成八

瓣一瓣一核黃褐色

胡蘿蔔

寬中散滯

甘平寬中下氣散腸胃滯氣 元時始自胡地來氣味微似

萊菔故名有黃赤二種 子似時蘿可和食料治時痢

水芹

通去伏熱

甘平去伏熱及頭中風熱利口齒及大小腸治煩渴崩中帶

下五種黃病小便出血水芹搗汁日照二合

旱芹獨散結

甘寒除心下煩熱療鼠瘦癰癥結核聚氣下瘀血止霍亂凡

核氣旱芹日乾為末油煎成膏摩之日三五度便痊

蓬蒿菜古名同蒿○宣消痰利便

甘辛涼安心氣和脾胃消痰飲利腸胃

白菜一名菘菜○和中疏通臟腑

甘平利腸胃除胸中煩解酒渴消食下氣治瘴氣止熱氣嗽

和中利大小便 莖圓厚者名白菜莖扁而白黃嫩脆美者

名黃芽菜尤美而益人小兒赤遊行於上下至心即死菘芽搗敷之良漆毒生瘡搗敷亦妙○

以上葷辛類

菠薐菜 一名菠薐 ○通臟腑血脈

甘溫 古本草皆言其冷今人歷試之但見其熱不覺其冷 滑微毒利五臟通血脈開胸

膈解酒毒宜腸胃熱下氣調中止渴潤燥 根尤良

薺菜 利臟和中

甘溫利五臟益肝和中 根益胃明目治目痛 同葉燒灰

治赤白痢極效 蜜湯調○釋家取其莖作挑鎗杖可辟蚊蠶謂之護生草以能護衆生也

子 名薺實又名薺實子 ○明目 甘平去風熱毒明目治目

痛青盲 饑歲採子水調成塊 花治久痢 陰乾研末裏 辟蚊蠶

煮粥作餅甚黏滑

布席下

辟諸蟲

莧菜

通竅利腸

甘冷利除熱通九竅利腸滑胎治初痢

心與鼈同食

小兒紫唇

赤莧搗汁洗之諸蛇螫入紫莧搗汁飲一升以滓敷之

子

明目 祛肝風客熱明目治青盲及眼見黑花

馬齒莧

瀉熱散血

酸寒散血解毒祛風殺蟲治諸淋疳痢

海上方搗汁合雞血子服治赤白痢

瘰癧瘡

多年惡瘡敷兩三遍即瘳煎膏塗禿瘡淫癰

小兒丹毒

搗汁飲以利腸滑滓塗之

產葉如馬齒有大小二種小者入藥性至難燥去莖亦忌

與鼈同食

雜物眯目不出用東牆上馬齒莧燒灰研細點少許于背頭即出

子

明目

明目治青盲及目中出淚或出膿

生菜 一名白苣 渴熱 利腸

苦寒利五臟通經脈開胸膈壅氣解熱毒酒毒止渴利腸

瘡頭白痛甚以鍼刺破頭以白苣汁滴孔中良

葛苣 瀉熱利腸

苦冷微毒 功同白苣又能通乳汁殺蟲蛇毒

自葛國來故名 子下乳汁通小便治

痔漏陰腫下血損傷作瘡炒用上甚效小便不通方同

蒲公英 一名黃花地丁 瀉熱解毒

苦甘寒 化熱毒解食毒消腫核

頤治疔毒乳癰 亦為通淋妙品

本草 卷之八 菜部

擦耳烏鬚髮

薩謙齋瑞竹堂方有還少丹方取其通腎

白汁塗惡刺

凡螻蛄諸蟲平育痔諸物

上必遺精汁乾久則有毒人手觸之成疾名狐尿刺慘痛不眠百治難效取厚汁塗凡愈千金方極言其功

葉

如萵苣花如單瓣黃菊四時有花花罷飛絮斷之莖中有白

汁

多年惡瘡蒲公搗爛貼之甚妙

翹搖

即巢菜○宜駐風熱

辛平利五臟明目去熱風止熱瘡

唐德宗貞元廣明耳目利方煮汁服

活血平胃長食不白甚益人令人輕健

俗名花草蘇東坡云菜之

美者蜀鄉之巢菹人巢元修譜之因謂之巢菜又謂之元修菜煮食蒸食作菜作餚俱佳

花草子

活血明目

易簡方為末甘草湯服二錢日三服

今藥肆中以此偽充

沙苑蒺藜

此物辛利沙苑蒺藜瀉固其性大不相同

蓴菜

甘寒滑治消渴熱痺熱氣 還水解百藥毒并蠱毒下氣止嘔

和鯽魚 療諸腫毒并諸瘡 保生餘錄治一切癰疽春夏用莖

作羹食 之未成即消已成即毒散用葉亦可保幼大全治頭上 一

惡瘡以黃泥包豆豉煨熟取出為末以蓴菜油調敷之

名馬蹄草生吳越地湖澤中 蓴本作蓴賈思勰齊民要術云

水深則莖肥而葉少水淺則莖瘦而葉多其性逐水而滑故

謂之蓴菜并水葵露葵之名形似馬蹄三月至八月味甜體

軟可口乃菜中之最美者也九月至十月

漸粗硬則名葵蔬或名豬蓴言可飼豬也

羊蹄 即无菜口通社風

苦寒治產後風秘 藕汁二三匙入水半 頭風白屑 宋太宗聖

草根并同羊蹄 喉痺不語 羊蹄獨根者勿見風日及婦人以

蓮頭上白禿

方同上○丹溪曰羊蹄根屬水是血分藥

能制三黃砒石丹砂水銀

恭茶

音甜一名善蓮茶○瀉熱通腸

甘苦涼滑微毒利五臟通心膈解風熱毒療時行壯熱

俱搗汁飲

止熱毒痢

夏月以茶作粥

又搗敷禽獸傷

禹錫曰食之動氣冷氣

人食之必破腹

子醋浸揩面去粉滓潤澤有光

黃瓜菜

一名黃花菜○通結利腸

甘微苦微寒通結氣利腸胃

魚腥草

古名蕞○瀉熱解毒

辛微寒有小毒散熱毒癰腫瘡痔脫肛斷疔疾解疳毒敷惡

瘡白禿

淡竹筒內煨搗

瀉熱利水

時珍曰性冷而滑洩腸氣降而不升耗人真元也

作蔬味

採取嫩莖以灰湯
煮去涎滑曬乾

其根紫色皮
內有白粉膏

爛再三洗
渣取粉

平

宜與薑同煮換水
再煮方可食之

寬胃口通腸閉和魚煮食

梗擦蜂螫良

熟厚腸胃生解藥毒

甘辛寒有小毒煮熟食厚腸胃止熱嗽生研水服解諸藥毒

當吐出惡物便止

俗名香芋

菜譜

山藥一名薯蕷。補脾肺瀉精氣。

色白入肺味甘歸脾補其不足清其虛熱潤皮毛化痰涎

炒固腸胃止瀉痢肺為腎母故又益腎強陰治虛損勞傷脾

為心子故又益心氣子能令母實治健忘遺精生壽數癰瘡消

腫硬毒色白而堅者佳形圓者為西山藥形扁者為懷山藥入藥為勝俱係家種野生者更

勝勿同麪食零餘子山藥藤上所結子甘溫功用強於山藥益腎

強腰脚補虛損食之不饑小便數多山藥用礬水煮過台茯苓等分為末每米飲服二錢

甘藷補益氣強陰

甘平補虛乏益氣力健脾胃強腎陰即山藷陳祈陽異物志云珠厓之

人不業耕唯種此名儲糧海中多壽以不食五穀而食甘藷故也

百合 潤肺上嗽

甘平潤肺寧心清熱止嗽

朱二允曰久嗽之人肺氣必虛虛則宜斂百合之甘斂勝於五味之

酸

收利二便止涕淚

涕淚肺肝熱也經曰肺為涕肝為淚心為汗脾為涎腎為唾

治浮腫

脹痞滿寒熱瘡腫乳癰傷寒百合病

行住坐臥不定如有鬼神狀蘇頌曰病名百合

而用百合治之不識其義

善通二便中寒下陷者忌之

花白者入藥

肺病吐血鮮百合搗汁和水飲之亦可煮食

竹筴

通爽胃消痰

甘微寒利膈下氣化熱爽胃消痰

筴與竹慈功近有人素患痰病食筴而愈

竹

能損氣虛人食筴多致疾也

常見俗醫治痘往往勸飲筴尖湯不知痘瘡不宜大腸滑利陰

受其害者不知其若干人矣

小兒尤不宜食最難化

乾筴尤甚

冬筴鞭筴較勝

○以上柔滑類

茄子 一名落蘇○瀉寬腸

甘寒而利散血寬腸動風發病宗爽曰蔬園中唯此無益丹

編云性寒利女人能傷子宮

茄根 瀉散血消腫

散血消腫煮汁漬凍瘡

喉痹腫痛細嚼陳久醬茄煎汁

壺盧 一名之瓜俗名葫蘆○通利水消腫脹

甘平滑利水治腹脹黃腫

用亞腰壺盧連子燒存性每服一個食前溫酒下不飲酒者白湯下

十餘日見效

冬瓜 一名白瓜○通瀉熱益脾

寒瀉熱甘益脾利二便消水腫

多喫效

止消渴

苗葉散熱毒癰

腫子補肝明目凡藥中所用瓜子皆冬瓜子也葉治消渴瘧疾寒熱焙研

數多年惡瘡

南瓜補氣

甘溫補中益氣時珍曰不可同子肉食令人氣壅

越瓜一名栳瓜名菜瓜○瀉熱利腸

甘寒利腸胃去煩熱解酒毒

胡瓜清熱通利水

甘寒有小毒清熱解渴利水道一名黃瓜藏器曰北人避石勒諱故呼黃

瓜至今因之時珍曰張騫使西域得種故名胡瓜按杜寶土業拾遺錄云隋大業四年避諱改胡瓜為黃瓜與陳氏之說

微異今俗以月令王瓜生即此誤矣王瓜土瓜也見草部根搗敷狐刺腫毒

南瓜 越瓜 胡瓜 絲瓜 茭白 紫菜 菜部

絲瓜 一名天羅 一名蠻瓜 ○通經脈涼血解毒除風化痰

甘冷涼血解毒除風化痰通經絡行血脈 老者筋絡貫田角人經脈故可借能

氣引之消浮腫發瘡入硃砂蜜水調服 治腸風崩漏疝痔癰

疽滑腸下乳 用老絲瓜筋燒存性 或焙 ○以上蔬菜類

茭白 一名茭筍 一名菰筍 一名菰菜 ○瀉熱通利腸

甘冷滑利五臟去煩熱除目黃解酒毒利二便治酒皸面赤

白癰癰瘍風熱目赤 滑利而冷甚不益人 根名菰根冷

利甚於蘆根 形亦相似 實名彫胡米歲饑可以當糧

紫菜 一名紫莢 ○軟堅消癰瘰

甘寒而鹹消癰瘰積塊 鹹能 治熱氣 塞咽喉 藏器曰多

食令人腹痛發氣吐白沫飲熱醋少許即消

海粉 潤化痰

甘寒而鹹清堅頑熱痰消癭瘤積塊

景岳曰熱痰能清瘰癧痰能燥堅痰能輕頑痰能

消可入煎藥亦可入丸藥治熱煩養陰氣

石花菜 瀉熱

甘鹹大寒滑去上焦浮熱發下部虛寒 狀如珊瑚有紅白

二色枝上有細齒一種稍粗而似雞爪謂之雞腳菜味更佳

寒東新語云石芝出崖州海港中三月採取過則成石矣

龍鬚菜 清熱消癭

甘寒微鹹清熱消癭利小便

張華博物志一種石髮似指此與石衣之石髮同名也

○

以上水菜類

木耳 治痔

甘平有小毒利五臟宜腸胃治五痔及一切血證 生古槐
桑樹者良柘樹者次之 地耳甘寒明目 石耳甘平明目

益精

香蓴 破血治風

甘平破血治風 松蓴治洩瀉不禁

磨菰蓴 理氣化痰

甘寒益腸胃理氣化痰 土菌 一名地蓴 甘寒有毒燒灰敷瘡疥

馬勃亦菌類見草部

雞城通益胃治疔

甘平益胃清神治疔

一名雞菌

出重南王沙地閒之草也高脚綴頭土人采下寄遠

以充方物又廣西橫州出雷菌雷過卽生須疾采之稍遲則腐或老作美甚美其價甚珍○以上芝栢類

本草從新卷十二目錄

穀部 麻麥稻類十一種

胡麻 大麻仁 小麥 浮小麥 大麥 穬麥

蕎麥 野麥 糯米 粳米 和米

稷粟類十六種

稷 黍 粱 粟 秫 稭子

蜀黍 玉蜀黍 菰米 東廬子 蓬草子 蒹草米

蒹草子 稗 薏苡仁 御米穀

菽豆類十二種

黑大豆 黃大豆 白豆 赤小豆 綠豆 豌豆

蠶豆

豇豆

白藹豆

稽豆

刀豆

黎豆

造釀類十六種

淡豆豉

大豆黃卷

豆腐

陳廩米

粥

蒸餅

麪筋

麥粉

神麪

紅麪

麥蘖

蘖芽

飴糖

醬

醋

酒

本草從新卷十二

穀部

麻麥稻類

稷粟類

菽豆類

造釀類

胡麻

一名脂麻一名巨勝子○補肝腎潤五臟消腸

甘平益肝腎潤五臟填精髓堅筋骨明耳目耐饑渴

可以烏

鬚髮利大小腸療風淫癰瘰

河間曰麻木穀而治風又云治風先治血血活則風散胡麻入

肝益血故風藥中不可缺也李廷飛三元延壽書云風病人久服步履端正語言不蹇神農收為上品仙經載其功能洵奇物也
涼血解毒 兒頭瘡 服之令人腸滑 得白朮並 精氣

不固者亦勿宜食 皮肉俱黑者良九蒸九曬可以服食

居云入穀之中唯此為良

麻油療瘡滑胎熬膏多用之

涼血止痛 生肌解毒

壁

蝨胡麻

一名亞麻

甘微溫治大風瘡癰

鄭真一常用壁蝨胡麻佐苦參藥治大瘋疥癩屢

本草從新

胡麻

大麻仁

小麥

十

穀部

十一

部

有愈者 其色似栗 氣惡不堪食 止可入藥

大麻仁 一名火麻 ○ 潤燥滑腸

甘平滑利緩脾潤燥治陽明病胃熱汗多而便難 汗出愈多 則精枯而

大便愈燥仲景治脾病有麻仁丸成無已曰脾欲緩急食甘以緩之麻仁之甘以緩脾潤燥子和曰諸燥皆三陽病 宣

風利關節催生而通乳 陳士良食性本草云多食損血脈

滑精氣痿陽事婦人多食即發帶疾以其滑利下行走而不

守也腸滑者尤忌 極難去殼帛裏置沸湯中待冷懸枝中

一夜曬乾就新瓦上按去殼搗用畏牡蠣白微茯苓 卒被毒 箭煮汁

飲赤遊丹毒 搗末水和敷

麥 補心

味甘微寒養心除煩利溲止血

時珍曰按素問云麥屬火心之穀也鄭元云麥有孚甲屬

木許慎云麥屬金金旺而生火旺而死別錄云養心與脾說

合孫思邈云養心與素問合勇放其功除煩止渴收汗利溲

止血皆心之病也當以素問為準仲景治婦人臍下證悲傷

欲絕狀若神靈用甘麥湯大棗十枚小麥一升甘草一兩亦

補脾氣聖惠方小麥

麥甘溫

時珍曰新麥性熱陳麥平和

補虛養氣助

飯治煩熱少睡多渴

五臟厚腸胃北方者

南方地暖下溼便能壅氣作渴助溼熱○市中所賣水麴俱和鹼水拌

切不

宜食 稗燒灰入藥去稗虎瘧蝕惡肉

浮小麥

瀉飲汗

鹹涼止虛汗盜汗

汗為心液來為心氣浮者無肉故入心

勞熱骨蒸

即水淘

浮起者焙用

麥麩甘寒

麥之清全在皮故麩去皮即熱

與浮麥同性

止汗之功

之醋拌蒸熨腰腳折傷風溼痺痛

能散血

寒溼腳氣胃腹滿

本草經新

浮小麥

大麥

穠麥

蕎麥

二

穀

部

氣互易至汗出並良

凡瘡瘍痘瘡潰爛不能着席者用麥

麥

奴

麥穗將熟上有黑微○治陽毒溫毒熱極發狂火渴及溫瘧

大麥

補虛除熱

甘鹹微寒補虛劣壯血脈益顏色實五未蓋氣調中除熱止

洩療消渴化穀食

石蜜為使

剉平胃寬胸下氣消積療

脹進食涼血止渴

宗爽曰大麥性涼滑膩有人患癰喉以食不能下用此藥作稀粥令噉以助胃氣而

平

穠麥

補中除熱

甘微寒補中除熱久服令人多力健行

蕎麥

瀉利腸下氣

甘寒降氣寬腸治腸胃沉積

孟詵食療本草云能鍊五臟垢穢訖菴日亦解酒積泄痢

帶濁敷痘瘡潰爛湯火灼傷

虛寒者勿食

頤風風眼驚案粉作一錢大餅

貼眼四角以米大

艾炷灸之神效

野麥

古名雀麥○救荒

甘平充飢滑腸

春去皮作麪蒸食及作餅食皆可救荒

苗下死胎

水者溫服胞衣不下同

糯米

古名稻○補溫脾肺

甘溫補脾肺虛寒堅大便縮小便收自汗

同龍骨牡蠣為粉能撲汗發痘

瘡

解毒化膿

性黏滯難化病人及小兒最宜忌之凡素有痰熱

風病及脾病不能轉輸食之最能發病成積

稻花陰乾為末揩牙固齒

本草從新

野麥 糯米 梗米 和米 稷

三 穀 部

粳米 和胃補中清肺

甘平

北粳涼南粳溫赤粳熱白粳涼新粳熟陳粳涼

得天地中和之氣平和五臟補

益氣血色白入肺除煩清熱利便止渴有早中晚三收晚者

得金氣多性涼尤能清熱

新米乍食動氣

凡人嗜生米久成米瘕治以雞

屎

泔

古名米瀝第二火者清而可用

清熱止煩渴利小便涼血

秬米

一名占○補氣溫中

甘溫益氣溫中和脾養胃除溼止瀉○以上麻麥稻類

稷

補和中

甘平益氣和中宜脾利胃

吳瑞日用本草曰稷苗似蘆粒亦大南人呼為蘆稷孫炎云稷即粟

也時珍曰稷黍之苗雖頗似粟而稷子不同粟穗葉聚攢稷稷黍之粒疎散成枝孫氏謂稷為黍誤矣蘆稷即蜀黍也其

之不黏者爲稷 莖治通身水腫

黍補中

甘溫益氣補中

蘇頌曰黏者爲秬可以釀酒北人謂爲黃米亦曰黃糯不黏者爲黍可食如稻之有粳糯

也時珍曰此誤以黍爲稷以秬爲黍也蓋稷之黏者爲黍粟之黏者爲秬梗之黏者爲糯米別錄本文著黍秬糯稻之性其功用甚明而註者不諳往往謬誤如此久食令人多熱煩今俗不知分別通呼秬與黍爲黃米矣

羅願爾雅翼云黍者暑也以其象火爲南方之穀最黏糯與糯米同性其氣溫暖故功能補貼而多食作煩熱緩筋骨也

久食令人多熱煩

稷之黏者爲黍

根治心氣疼痛

煎湯服

梁補氣和中

甘黃梁平白梁
青梁微涼

益氣和中除煩渴止霍亂下痢利大小便

梁 諧

比之他穀最益脾胃而黃
粱尤得土氣之中和也

粟之大者爲粱

手足之疝白粱
米粉鐵鏝炒赤

研細以衆人唾和
塗之厚一寸即消

粟

北方謂之小米○補氣養腎

鹹淡微寒補虛損益丹田開脾胃利小便治反胃熱痢 粱

之小者爲粟

小兒重舌
噤哺之

秬

即黃米○益陰利肺大腸

甘微寒治肺癰腸盛陰虛夜不得眠及食鵝鴨成瘕妊娠下

黃汁去寒熱利大腸

粱米粟米之黏者爲秬

久泄胃弱黃
米炒爲粉每

用穀匙沙
糖拌食良

稊子

稊荒

甘瀉補中益氣厚腸胃濟饑 一名龍爪粟又名鳥爪稷

王救荒本草曰稭子生水田中及下溼地葉似相似短梢

頭結穗彷彿稗子穗其子如黍粒大茶褐色搗米煮粥炊飯

屬類皆宜時珍曰稭子山東河南亦而月種之苗如莢黍八

九月抽莖有三稜如水中蘆草之莖開細花簇簇結穗如粟

穗而分數歧如鷹爪之狀內有細子如黍粒而細赤色其稭甚薄其味粗澀

蜀黍 一名高粱一名蘆稷俗名蜀秫又名蘆粟○溫中瀉腸救

甘瀉溫溫中瀉腸胃止霍亂黏者與黍米同功 莖高丈許

狀如蘆荻而內實葉亦如蘆穗大如帚粒大如椒紅黑色米

性堅實黃赤色 有兩種黏者可和糯秫釀酒作餌不黏者可

莖可織箔席編籬供爨最有利於民者今人祭祀用以代稷

者誤矣其穀殼浸水色紅可以紅酒○博物志云地種蜀黍

年久多蛇

玉蜀黍

一名玉高粱○救荒

甘平調中開胃 苗葉俱似蜀黍而肥矮亦似薏苡苗高三
四尺六七月開花成穗如秬麥狀苗心別出一苞如樓魚形
苞上出白鬚垂垂久則苞拆子出顆顆攢簇子亦大如樓子
黃白色可煉炒食之炒拆曰花如炒拆糯穀之狀 根葉治
小便淋瀝沙石痛不可忍

菰米

一名茭米○救荒

甘冷上混解煩熱調腸胃可療飢

廩子

救荒

甘平益氣輕身久服不飢堅筋骨能步行 生河西苗似蓬

河西人語曰貸我東廬償爾田梁郭義恭廣志云東廬子

子如葵子其米粉之如麴可作饘粥六月種
九月收牛食之尤肥此亦一穀似東唐者也

叔荒

蓬類不一有彫蓬卽菰米也
又有黃蓬青科飛蓬黃蓬而

以祓邪氣大抵三種蓬子亦不甚相遠

商音綱○救荒

甘寒作飯去熱利腸胃益氣力久食不飢

藏有日生米田中苗似小麥而小四

月熟可作飯郭璞爾雅註疏云一名宇氣生廢田中似燕麥子如彫胡可食

節草子 救荒

甘平補虛羸損乏溫腸胃止嘔逆久食健人輕身不飢

博物志云

東海洲上有草名曰節有實食之如大麥七月熟民斂穫至冬乃訖呼為自然穀亦曰禹餘糧李珣南海藥譜曰節實如毯子八月收之彼民常食中國未曾見也方孝孺遜志齋集有海米行蓋亦節草之類也其詩云海邊有草名海米大非蓬蒿小非薺婦女攜籃畫作羣采摘仍於海中洗歸來竊釜燒松枝煮米為飯充朝飢莫辭苦瀆熱不下性命聊大須臾時

稗
救荒

辛甘苦微寒作飯食益氣宜脾故曹植有芡菰稗之稱

根苗

金瘡及傷損出血不已搗
或研末搽之即止甚驗

意苡仁

補脾肺通行水

甘淡微寒而屬土陽明藥也

胃

甘益胃土勝水淡滲溼瀉水

所以益土故健脾治水腫溼痺脚氣疝氣泄痢熱淋益土所

以生金故補肺清熱

色白入肺
微寒清熱

治肺痿肺癰欬吐膿血

以豬
肺蘸

末服

扶土所以抑木故治風熱筋急拘攣

陰風本主筋然
治筋骨之病以陽

明為本陽明主潤宗筋宗筋主束骨而利機關者也陽明虛

則宗筋縱弛故經曰治痿獨取陽明又曰肺熱葉焦發為痿

之蓋肺者相傳之官治節出焉陽明溼熱上蒸於肺則肺熱

葉焦氣無所主而失其治節故痿躄慧黃得土之燥藥秋之

涼故能燥脾溼善祛肺熱○筋寒則急熱則縮溼則緩然寒

溼久隔亦變為熱又有熱氣薰蒸水液不行久而成溼者意

苡去溼

令人能食 大便燥結因寒筋急勿用

其力和緩

用之須倍於他藥炒熟微研

御米殼 即罌粟殼○瀉腸斂肺固腎

酸瀉平斂肺瀉腸而固腎治久嗽瀉痢遺精脫肛多溺心腹

筋骨諸痛 東垣曰收瀉固氣能入腎故治骨病尤宜 酸收太緊令人嘔逆 醋之

參朮同行可無妨食之害 且兜積滯反成痼疾瀉痢初起及風寒作嗽忌

用 丹溪曰此是收後藥要先除痰根 一名驚春花紅黃紫白艷麗可愛凡

使殼洗去藥及筋膜取薄皮醋炒或蜜炒得醋烏梅陳皮良

嫩苗作蔬除熱潤燥開胃厚腸

御米 治反胃 甘寒潤燥煮粥食治反胃 加參尤佳

阿芙蓉 名阿片俗作鴉片○瀉止瀉痢 酸瀉溫微毒止

瀉痢收脫肛瀦精氣 此藥粟花之津江也粟粟結青苞時

午後以大鍼刺其外面青皮三五處勿損裏面硬皮次早津

出以竹刀刮收入瓷器陰乾故今市者猶有苞片在內凡入用中

術用之京師售一粒金丹云通治百病皆方伎家之術耳大有害勿為其所惑以上稷粟類

黑大豆 補腎解毒

甘寒色黑屬水似腎豆有五色各入五臟故能補腎鎮心腎水足則明

目黑水神光屬腎下氣利水古方治水腫每單用或加入他藥除熱祛風熱

酒沃飲其汁治產後中風危篤及妊娠腰痛活血產書云炒兼能發表千金云一以去風一以消血結活血令煙絕酒

淋服下產解毒蘇頌曰古稱大豆解百藥毒試後餘血之不然又加甘草其驗乃奇消腫止痛搗

塗一切腫毒煮食利大便緊小者入藥更佳鹽水煮食尤能

補腎

畏五參龍膽豬肉忌厚朴

犯之動氣得諸膽汁石蜜牡蠣

杏仁前胡良

卒風不語大豆煮汁煎稠如飴合之并飲汁喉痹不語同上法

黃大豆

寬中利大腸

甘溫寬中下氣利大腸消水脹腫毒研末熟水和塗痘後癰

凡痘毒生在要處恐致帶疾令其母嚼爛生黃豆厚敷之即消另生他處

豆油辛甘熱微毒塗

瘡疥解髮腫

白豆

一名飯豆○補調中

甘平補五臟

思邈曰腎之穀也腎病宜食之

暖腸胃調中助十二經脈豆

腐見造釀類

葉煮食利五臟下氣

赤小豆

通行水散血

甘酸平色赤心之穀也性下行而通小腸

心與小腸相為表裏行水經

魚煮食能消水腫者粥亦佳

散血消腫排膿清熱解毒治瀉痢嘔吐腳氣

昔有患腳氣者用赤小豆

敷一切瘡疽

雞子白調末箍之性極黏乾則難揭入芋

袋盛朝夕踐踏之遂愈

根未則不黏宋仁宗患疔腫道士贊寧取赤小豆四十九粒

呪之雜他藥敷之而愈中貴任承亮所親見後任自患惡瘡

傳永授以藥立愈問之赤小豆也承亮始悟道士之呪偽也

後過豫章見醫治脇疽甚捷任曰莫非赤小豆耶醫驚拜曰

一月此活三十餘口願勿復宣○凡

止渴解酒通乳汁下胞

債爛幾絕者為末敷之無不立效

胎一最滲津液久服令人枯瘦身重

以緊小而赤黯色者入藥其稍大而鮮紅淡紅色者並不

病今肆中半粒紅半粒黑者是相思子一名紅豆苦平有毒吐心腹邪氣風

癰瘡瘡蟲蠱毒

研二七枚服

綠豆

清熱解毒

甘寒行十二經清熱毒而解渴

一切草木金石砒一毒皆治之○景岳曰凡熱毒勞熱諸

火熱極不能退者用綠豆不拘多寡寬湯煮糜爛入鹽少許或蜜亦可待冰冷或厚或稀或湯任意飲食之日或三四次不拘此物性非苦寒不傷脾胃善於解毒除煩退熱止渴大利小便乃淺易中之最佳最捷者也若火盛口乾不宜厚但略煮半熟清湯冷飲之尤善除煩清火

去浮風而潤膚利小便以治脹厚腸胃

以和脾

善治瀉痢

胃寒者不宜食

功在綠皮去殼即壅氣

粉撲痘瘡潰爛良

一人誦觀音經甚誠出行折一足哀叫苦薩夢僧授一方綠豆粉新姚炒紫色井水

調厚紙貼杉木皮札定其效如神

圓小者佳

解燒酒毒多食豆粉解鳩酒毒豆粉三合水調服

豌豆

理脾胃

甘平治吐逆泄痢消渴

淡煮食之良

腹脹

時珍曰豌豆屬土故研其所主病多係脾胃

末塗癰腫痘瘡

蠶豆 瀉補中

甘瀉溫補中益氣瀉精實腸

汪穎食物本草曰快胃和臟腑洛按蠶豆閉瀉而補極易作脹

所謂快與和安在哉時珍曰萬表積善堂方言一人誤吞蠶入腹諸醫不能治有教令煮蠶豆連殼同韭菜多食之不得食別物鍼自大便同出可驗其性之利臟腑也洛謂腸脅腹中曲折而遠鍼入必傷焉能速之使出哉食韭菜卒難就化糾纏而裏鍼外蠶豆瀉滯黏在韭上同護鍼而不傷腸臟耳又有卽此方同胡桃肉食者此則取其通利而欲其速下也

發芽則全不閉瀉香甘可口

豇豆 瀉利水解毒

甘瀉平散血消腫清熱解毒治消渴吐逆泄痢便數解鼠莽

毒按袖珍方云中鼠莽毒者豇豆煮汁飲則解欲試者先刈鼠莽苗以汁灌之根卽爛不生可見爲消伐之物又豇豆

本草從新 蠶豆 豇豆 白藟豆 穉豆 十 穀部

同米煮作飯米粒便軟小尤可見其性之尅剛也時珍述盧廉夫之言謂其補腎以其豆子微曲如腎形也不知如腎形者不過入腎而已如連翹似心而入心荔枝核似羣丸而入腎之類非能補心補腎也

白藟豆

補脾除溼消暑

甘平腥香微黃

脾之穀也

調脾和胃降濁升清消暑除溼

能消脾胃之暑

止渴止瀉專治中宮之病

土強溼去正氣自旺所以能療嘔吐霍亂及帶下諸證○赤白帶下

炒研末米飲服二錢霍亂轉筋研末醋湯和服俱妙

中和輕緩故無禁忌然多食能

壅氣傷寒邪熾者勿服

生用或炒研

藟豆

酒祛風

甘苦溫治賊風風痺

味劣無甚功用止可作馬料故俗

呼馬料豆

刀豆 下氣歸元

甘溫溫中下氣利腸胃益腎歸元止呃逆

時珍曰刀豆本草失載惟近時小書

載其暖而補元陽也有人病後呃逆不止聲聞鄰家或令取刀豆子燒存性白湯調服二錢即止此亦取其下氣歸元而

逆白止也

黎豆 溫中益氣

甘微苦溫有小毒溫中益氣 多食令人悶 一名狸豆

經首文 ○以上菽豆類

煨豆豉 宣解表除煩

苦世肺寒勝熱

藏器曰豆性生平炒熟熱煮食寒作致冷

發汗解肌調中下氣治

傷寒寒熱頭痛煩躁滿悶懊憹不眠發斑嘔逆

凡傷寒嘔煩悶宜引

不宜用下藥以逆之談鼓合
血痢溫瘧疫氣瘴氣豆經蒸罨能升能
梔子名梔子鼓湯能吐虛煩
得葱則發汗得鹽則能吐得酒則治風得薤則治痢得蒜則
止血炒熟又能止汗孟詵治盜汗炒香漬酒服肘後合葱白
煎名葱鼓湯用代麻黃湯
通治傷寒發表亦治酒病 傷寒直中三陰與傳入陰經者

勿用熱結胸煩悶宜下不宜汗亦忌之 造鼓法用黑豆六
月間水浸一宿淘淨蒸熟攤蘆席上微溫蓋覆五六日後黃
衣遍滿為度不可太過取曬簾淨水拌乾溼得所以汁出指
間為準築實甕中桑葉厚蓋三寸泥封曬七日取出曝一時
又水拌入甕如是七次再蒸過攤去火氣甕收

大豆黃卷 一名豆葉○理胃消水

甘平除胃中積熱消水病脹滿破婦人惡血療溼痺筋攣膝

痛 黑大豆爲藥牙生五寸長便乾之名爲黃卷用之熬過

服食所須一法壬癸日以井華水浸大豆候生芽取皮陰乾

小兒撮口初生豆芽研爛絞汁和乳灌少許良

豆腐 清熱利大腸

甘鹹寒有小毒清熱散血和脾胃消脹滿下大腸濁氣 中

其毒者以萊菔湯解之

陳廩米 養胃利小便

甘淡平可以養胃煮汁煎藥亦取其調腸胃利小便去溼熱

除煩渴之功 暑月吐瀉大渴宜飲之

粥 糯米 秠米 黍米 補氣溫胃

甘溫益氣治脾胃虛寒瀉痢吐逆小兒痘瘡白色

粳米 秈米 粟米 粱米 補氣養胃利小便 甘平益氣

養脾胃利小便止煩渴 羅天益衛生寶鑑云糯粟米粥氣薄

利小便便韓悉醫通云一人病淋瀝不眠藥子台專啖粟米粥

線云他味旬餘減月餘瘥此五穀治病之理也張來弼記云

每晨起食粥一大碗空腹胃虛穀氣便作所補不細又極柔

膳與腸胃相得最為飲食之妙訣齊和尚說山中僧每將旦

一粥甚繫利害如不食則終日覺臍臍燥渴蓋粥能暢胃氣

生津液也又蘇軾帖云夜飢甚吳子野勸食白粥云能推陳

致新利腸益胃粥既快美 一種痰飲之人不宜食之 嘉言

蒸餅 通利水消食

粥後一覺妙不可言也 飲之化為痰甚易○子每晨食粥其覺合宜夜膳進粥即不

爽快正以粥易成痰早晨行陽二十五度不致成痰即得粥

之益晚間行陰二十二度即易成痰則受粥之害一物也

早晚宜否之異如此亦見修養家過午不食為有理也

甘平消食養脾胃和中化積滯活血止汗利三焦通水道

受竹

談藪云宋寧宗為郡王時病淋日夜凡三百起國醫罔措或舉孫琳治之琳用蒸餅大蒜淡豆豉三物搗丸令以溫水下三十九日今日進三服病當減三之一明日亦然三日病除已而果然或問其說琳曰小兒何緣有淋只是水道不利三物皆能通利故爾
陳久者良小麥麴修治食品甚多惟蒸餅其來最古是醱糟發成單麴所造凡藥所須且能治疾唯臘月及寒食日蒸之至皮裂去皮懸之風乾臨用時以水浸脹搗爛濾過和脾胃及三焦藥甚易消化且麴已過性不助淫熱其以果菜油膩諸物為餡者不堪入藥○肘後方湯火傷灼饅頭餅燒存性研末油調塗之
麴筋解熱和中

甘涼解熱和中勞熱人宜煮食之

○今人多以油炒則性熱矣○一切葷素諸菜皆宜煮

食若薰炙煎炒則助

火傷陰焦者尤甚

麥粉

利五臟調經絡

甘涼和五臟調經絡醋熬成膏消一切癰腫湯火傷

時珍曰
麥粉乃

是熬麵洗麵筋澄出漿粉今人漿衣多用之古方鮮用按積善堂方云烏龍膏治一切癰腫發背無名腫毒初發癰熱未破者取效如神用隔年小粉愈久者愈佳以鍋炒之初炒如錫久炒則乾成黃黑色冷定研末陳米醋調成糊熬如黑漆資罐收之用時攤紙上剪孔貼之即如冰冷疼痛即止少頃覺痒乾亦不能動久則腫毒自消藥力亦盡而脫落甚妙此方屢用有驗藥易而功大濟生者宜收藏之

神麴宣行氣化痰消食

辛散氣甘調中溫開胃化水穀消積滯

醫餘云有傷櫻子成積用麴末少加木香

鹽湯下數日鼻中聞

酒香積遂散而愈治痰逆癥結腹痛瀉痢脹滿翻胃回乳

炒研酒服

二錢日二下胎產後血運亦治目病

倪惟德原機啟微集云生用能發其生氣熟用

能斂其

脾陰虛胃火盛者勿用能損胎

造麴法以五月

暴氣

三日或六月六日以白麴百觔青蒿蒼耳野蓼各取自然汁
三升杏仁泥赤小豆末各三升以配白虎青龍朱雀元武勾
陳騰蛇六神通和作餅麻葉或楮葉包罽如造醬黃法待生
黃衣曬乾收之陳久者良研細炒黃酒藥麴近今各地有
入諸藥草及毒藥者其性酷烈傷人臟腑斷不可服食積心痛陳神
麴一塊燒紅淬酒二大碗服之

紅麴

宜破血燥消食

甘溫色赤入營而破血活血燥胃消食

魚肉鮮用之以能治腐生物使熟也

赤白下痢跌打損傷產後惡露不盡

時珍曰人之水穀入胃中焦淫熱蒸鬱滯滯精

氣化為營血此造化自然之妙也紅麴以白米飯雜麴母淫熱蒸罽自變為真紅此人窺造化之巧者也故治脾胃營血

得同氣相求之理

忌同神麴 紅入米心陳久者良

麥麴

宜開胃健脾瀉行氣

甘溫能助胃氣上行而資健運快脾寬腸和中下氣消食除

有之結祛痰化一切米麴果食積尤善

薛立齋治一婦人喪子乳脹欲

下幾單用麥芽一二兩炒煎服立消其破血散氣如此立

以穀消穀有類從之義停穀

食者宜之然有積消積無積消腎氣墮

古人唯取穉麥

為芽今人多用大麥者非也炒用

穀芽

宜健脾消食

甘溫快脾開胃下氣和中消食化積 功同麥芽而性不損

元

味甘氣和具生化之性故為健脾溫中之聖藥

炒用

飴糖 補中緩脾

甘溫益氣補中健脾化痰潤肺止嗽

仲景建中湯用之取其甘以補脾緩中也

過用能動火生痰凡中滿吐逆酒病牙疳咸忌之腎病尤不

可服

誤吞稻芒頻食飴妙

解毒

鹹冷利殺百藥及熱湯火毒並一切魚肉菜蔬蕈毒入藥

當用豆醬陳久彌佳

車粉毒陳醬化水漱

昔 敏氣血散瘀消癰腫

酸苦溫散瘀治產後血運

燒紅炭投醋中使自具氣

除癥瘕心腹諸痛塗

癰瘡腫殺魚肉毒愈黃疸黃汗

多食損筋骨損胃損顏色

用米醋

酒宜行藥勢

大熱有毒辛者能散苦者能降甘者居中而緩厚者尤熱而
毒淡者利小使用為向導可以通行一身之表引藥至極高
之分熱飲傷肺溫飲和中少飲則和血行氣壯神禦寒辟邪
逐穢暖水臟行藥勢過飲則傷神耗血最能亂血故飲之身面俱赤損胃
燥精動火生痰發怒助慾致生淫熱諸病相火上炎肺經受燥致生痰嗽脾因
火而因怠胃因火而嘔吐心因火而昏狂肝因火而善怒膽
因火而忘懼腎因火而精枯以致吐血消渴癆損蠱脹癰疽
失明為害無窮汪穎曰人知戒早飲而不知夜飲更甚醉飽
就牀熱撻三焦傷心損目夜氣收斂酒以發之亂其清明勞
其脾胃停滯動火因而致病者多矣景岳曰酒成於釀其性
則熱而質化為水其質則寒陰虛者飲之則傷陰陽虛者飲

之則敗陽故或致血不養筋則爲中風或致傷脾則爲痰飲
瀉痢或溼熱上浮則爲喘汗鼻淵或流於筋骨則爲痠痲疼
痛或致動血傷精則爲勞損吐血衄或致傷肌膚內則
爲爛瘡痔漏其有積漸日久而成水鼓者則尤多也 燒酒
散寒破結損人尤甚 醇而無灰陳久者佳 臘月釀造藏之
得法數十年不
壞

畏綠豆粉枳椇子葛花鹹鹵

得鹹則解水制火也

○以上造釀類

本草從新卷十三目錄

金石部 金類八種

金

自然銅 銅青

鉛

鉛丹

蜜陀僧

古文錢 鐵

玉類三種

雲母

白石英 紫石英

石類二十六種

硃砂

水銀

輕粉

銀硃

雄黃

石膏

滑石

赤石脂

禹餘糧

爐甘石

無名異

鍾乳

石炭

石灰

海石

陽起石

慈石

代赭石

空青

石膽

礬石

砒石

青礬石

花蕊石

石燕

石蟹

鹵石類十二種

食鹽

戎鹽

凝水石

元精石

朴硝芒硝

元明粉

硃砂

礬砂

石硫黃

白礬

綠礬

消石

本草從新卷十三

金石部 金類 玉類 石類 齒石類

金 重鎮心肝

辛平有毒 磨屑頓服不過三錢而斃 重鎮怯故鎮心肝安魂魄 能除惡氣 金

制木故能治馬癇風熱肝膽之病 銀功用相倣 丸散用

箔為衣煎劑加入藥煮畏錫水銀 遇鉛則碎五金皆畏水銀

為然銅 重續筋骨

辛平主折傷續筋骨散瘀止痛 折傷必有死血瘀滯經絡然須審虛實佐以養血補氣湯

經之 藥 銅非煨不可用然火毒金毒相煽復挾香藥熱毒內

攻雖有接骨神功頗多燥烈之損大宜慎用 產銅坑中

金 自然銅 銅青 鉛 鉛丹 金石部

煨醋淬七次細研甘草水飛

銅青

一名銅綠○重去風痰

酸平微毒內科吐風痰之聚外科止金瘡之血女科理血氣

之痛眼科王風熱之疼殺蟲有效疔證亦宜

色青入肝專主吏方之病

服之損血以醋製銅刮用

頭上生瘡銅青明礬末搽之

鉛

重墜痰解毒

甘寒屬腎稟壬癸之氣水中之金金丹之田人石之

且爪龜家必

胡墜痰解毒安神明目殺蟲烏髮之

姓帶陰毒傷人

心胃

解硫黃毒煎鉛湯服即解

鉛丹

即黃丹○重內用鎮心墜痰外中解熱拔毒

鹹寒沉重味兼鹽礬內用鎮心安魂墜痰消積殺蟲治驚疳
瘡痢外用解熱拔毒止痛去瘀長肉 性味沉陰損陽氣

黑鉛加硝黃鹽礬鍊成凡用以水漂去鹽硝砂石微火炒紫

色攤地上去火毒

鉛粉主治畧同

亦名胡粉之粉時珍曰鉛粉亦可代鉛丹熬膏

然未經鹽礬火煨入有豆粉恰粉餅之只入氣分不能入血
人服食之則大便秘色黑者此乃還其本質所謂色壞還為

也

重鎮驚劫痰消積

重鎮驚劫痰消積

辛平有小毒感銀鉛之氣而結墜痰鎮驚止血散腫消積殺

蟲療腫毒解狐臭

油調搽腋或以饅頭蒸熱劈開參夾腋下亦佳

滅癰黥染髮鬚

療瘧痢五痔金瘡凍瘡

熱桐油調敷

食之令人寒中

出銀坑

難得今用者乃傾銀爐底入藥煮一伏時

古文錢 重平肝通下行

辛平有毒治目中障瘵腐蝕毀肉婦人生產橫逆心腹痛月

隔五淋 或燒醋淬或煮汁 唇腥黑痛痒不可忍于石上磨

不見石上磨汁注背中心○腥腫也

鐵重堅瘵鎮驚

辛平有毒鎮心平肝定驚瘵狂消癰解毒 時珍曰凡諸藥皆忌鐵器而補腎藥

尤忌 畏慈石阜筴 阜筴木作薪則金裂 煨時砧上打落者名鐵落 即鐵

屑素問用治慈理研粉敷解甚效 如塵飛起者名鐵精器物生衣者名鐵鏽

鹽醋浸出者名鐵華 時珍曰大抵借金氣以平木墜下解毒無他義也

鐵砂重消水腫

消水腫黃疸散癭瘡烏鬚髮 此是作鐵家磨鐵細末也須

真銅砂乃堪用人多以柔鐵砂雜和之飛為粉人莫能辨以上金類

雲母重下氣

甘平色白入肺下氣堅肌續絕治瘡痢癰疽同黃丹熬膏貼之千金翼用數

金瘡有五色以色白光瑩者為上澤瀉為使惡羊肉金瘡出血雲母

粉傳之絕妙

白石英重潤肺

甘辛微溫潤以去燥十劑曰之以去枯白石英紫石英之屬是也利小便實大腸

治肺痿吐膿欬逆上氣 石藥終燥祇可以用潤藥頗多而徐之才取二

雲母 白石英 紫石英 珠砂 金石部

石英為潤劑
存其意可也

白如水晶者良

紫石英

重鎮心潤養肝

甘辛而溫重以去怯淫以去枯心神不安肝血不足女子血

海虛寒不孕者宜之

衝為血海任主胞胎經疏云女子係胞於腎及心包絡虛則風寒乘之故不孕

紫石英辛溫走二經散風寒
鼠下焦為暖子宮之要藥

色淡紫

石英五色各入五臟

瑩徹五稜

火煨醋淬七次研末水飛二英俱畏附子惡黃連

日華本草方癰腫毒

氣紫石英火煨醋淬為末
生薑米醋煎數之磨亦得

○以上玉類

研砂

重鎮心定驚瀉熱

甘涼體陽性陰

內含陰汞與康成註周禮以丹砂雄黃石膽礬石慈石為五毒

色赤屬火性

炎者離中虛有陰火未不
苦而甘者火中人士也

瀉心經邪熱

心經血分主藥

鎮心定驚人

邪清肝明目祛風止渴解毒胎毒病定癩狂止牙疼下死胎

十全博救方水煮一兩研酒服獨用多用令人反悶辰產明如箭鏃者

良名箭鏃鐵砂細研水飛三次若火鍊則有毒畏鹽水惡慈石忌二

切血

水銀重外用殺蟲

辛寒陰毒功顯殺蟲治瘡疥蟻蟲解金銀銅錫毒能消墮胎

絕孕性滑重直入肉頭瘡切不可用恐入俎絡令人筋骨拘攣若近男陽陽痿無氣唯以赤金

係患處水

銀白出從丹砂燒煨而出得鉛則凝得硫則結付瘻肉

人唾研則碎散夫在地者以花椒末茶末收之畏慈石砒霜

藥粉燥烈痰涎外用殺蟲

辛冷而燥有毒殺蟲治瘡劫痰消積能消延積善入經絡瘕瘕藥

有用之 不可輕服時珍曰水銀陰毒用火煅煉丹砂而出再加鹽礬鍊為輕粉輕揚燥烈走而不

守今人用治楊梅毒瘡雖能劫風痰淫熱從牙齦出邪鬱暫解然毒氣竄入經絡筋骨血液耗亡筋失所養變為筋攣骨痛癰腫疔漏遂成廢痼貽害無窮○上下齒齦屬手足陽明腸胃經毒氣循經上行至齒齦薄嫩之處而出 土

茯苓黃連黑鉛鐵漿陳舊能制其毒 粉霜功過畧同

銀硃 燥破積劫痰

辛溫有毒破積滯劫痰涎散結胸療疥癬惡瘡殺蟲及蝨

其性燥烈能爛齦攣筋其功過與輕粉粉霜同今厨人往往以之染色供

饌宜去之

雄黃 重解毒殺蟲

辛溫有毒獨入厥陰氣分搜肝氣而散肝風殺百毒辟鬼魅

治驚癇痰涎積聚頭痛眩暈暑瘧癰痢泄瀉

夷堅志云虞雍公道中冒暑泄

痢連月夢至仙居延之坐壁中有詞云暑毒在脾溼氣連胸

不泄則痢不痢則癰獨鍊雄黃蒸餅和藥甘草作湯食之安

樂別作治療醫家大錯如方服之而愈又能化血為水燥溼殺蟲治勞瘵蛇傷

焚之蛇敷楊梅疔毒疥癬痔瘡血虛者大忌生山之陽

赤似雞冠明徹不臭重三五兩者良醋浸入萊菔汁煮乾生

山之陰者名雌黃功用畧同劣者名蕭黃燒之則臭只堪薰

瘡疥殺蟲

陰腫如斗雄黃礬石各二兩甘草一尺水五升煮二升浸之

石膏

體重瀉火氣輕解肌

甘辛而淡體重而降足陽明經

胃

大寒之藥色白入肺兼入

三焦諸經氣分寒能清熱降火辛能發汗解肌甘能緩脾生津止

渴治傷寒鬱結無汗陽明頭痛發熱惡寒曰晡潮熱陽狂壯

熱經云陽盛生外熱小便赤濁大渴引飲中暑自汗能發汗又能止自汗舌焦

胎厚陽明經熱為無津牙痛未擦牙固齒又胃主肌肉肺主皮毛嘉言曰極清肺熱為

發斑疹之要品色赤如錦紋者為斑隱隱見紅點者為疹斑重而疹輕卒由胃熱所致然亦有陰陽二證

陽證宜用石膏又有內傷陰證見斑疹者色微紅而稀少此胃氣極虛逼其無根之火游行於外當補益氣血使中有主

則氣不外游血不外散若作熱治死生反掌少壯火熱者功效甚速老弱虛寒

者禍不旋踵東垣曰立夏前服白虎湯令極能寒胃胃弱血

虛及病邪未入陽明者切勿輕投成無已解大青龍湯曰風陽邪傷衛寒陰邪傷營營

衛陰陽俱傷則非輕劑所能獨散必須重輕之劑同散之乃得陰陽之邪俱去營衛俱和石膏乃重劑而又顯達肌表也

東垣曰石膏足陽明藥仲景用治傷寒陽明證身熱目痛鼻乾不得臥邪在陽明肺受火制故用辛寒以清肺氣所以言白虎之名肺主西方也按陽明主肌肉故身熱脈交額中故目痛脈起於鼻循鼻外金燥故鼻乾胃不和則臥不安故不得臥然亦有陰虛發熱及脾胃虛勞傷寒陰盛格陽內寒外證至為難辨蓋陰盛極而格陽於外外熱而內寒陽盛極而格陰於外外冷而內熱經所謂重陰必陽重陽必陰重寒則熱重熱則寒是也當於小便分之便清者外雖燥熱而中實寒便赤者外雖厥冷而內實熱也再看口中之燥潤及舌胎之淺深胎黃黑者為熱宜白虎湯然亦有舌黑屬寒者舌無芒刺口有津液也急宜溫之誤投寒劑則死矣 有

輕硬二種望白者良研細甘草水飛近人因其寒或用火煨

則不甚傷胃但用之甚少則難見功白虎湯以之為君或自一兩加至四兩味

淡難出若入煎劑須先煮數十沸雞子為使惡巴豆畏鐵今茶食內俱加石膏粉取其價

廉而且清涼可口也害人不小

滑石 通利竅行水體重瀉火

淡滲涇滑利竅寒瀉熱色白入肺清其化源而下走膀胱以

利水通六腑九竅津液爲足太陽經本藥治中暑積熱嘔

吐煩渴非實止渴取其利竅滲去溼熱則脾胃中和而渴自

止耳若無涇小便利而渴者內有燥熱宜滋潤或誤

服此則愈亡其津液而渴轉甚矣故好古以爲至燥之劑黃疸水腫腳氣淋閉石淋水瀉

熱痢六一散加紅麴治赤吐血衄血諸瘡腫毒爲蕩熱除溼

之要藥時珍曰滑石上門毛膜之數是除中上之溼熱下利

裏和開門通而陰陽利也河間益元散治表裏上下諸病蓋

是此意益元散一名天水散一名六一散取天一生水地六成之之義也滑石六錢消暑降火散結通乳滑胎凡脾虛下陷及精滑者禁之病有當發表者尤忌時珍土材俱謂其能發表訛謬亦謂

其氣輕解肌不過以其能利毛竅耳不知表邪得此滲泄重降之品必愈陷入裏而成敗證矣切勿信以為然

而潤者良石韋為使宜甘草走泄之性宜甘以和之嘉言曰天水散取其一甘一寒之意也

○陰下溼汗滑石一兩石膏煨半兩枯白礬五分研搽之腳指縫爛方同上

赤石脂重瀉固大小腸

甘溫酸澀能收溼止血而固下

經疏云大小腸下後虛脫非瀉劑無以固之其他瀉藥輕

浮不能達下惟赤石脂體重而瀉直人下焦陰分故為久痢泄瀉要藥療陽漏泄痢崩帶遺精

癰痔潰瘍收口長肉催生下胞

經疏云能去惡血惡血化則胞胎無阻東垣曰胞胎不出

瀉劑可以下之又云固腸胃有收斂之能下胞衣無推蕩之峻

細膩黏舌者良赤入血分

白入氣分

五色石脂各入五臟研粉煨者

水飛畏羌花惡大黃松脂經水

過多赤石脂故紙等分為末米飲下二錢

赤石脂

馬余量

盧十五

金石部

禹餘糧 重濁固下

甘平性滑手足陽明胃大腸血分重劑治欬逆下痢血閉瘕血

崩能固下 李先知活人書括云下焦有病入難會須用餘糧赤石脂又能催生 石中黃

粉生於池澤無砂者佳修治同上 身面瘕痕同半夏未雞子黃和敷先以布拭赤避風

日升日效

爐甘石 燥溼治目疾

甘溫陽明胃經藥受金銀之氣金勝木燥勝溼故止血消腫

收溼祛痰除爛退赤去翳為目疾要藥 煆甘石海螵蛸礞砂各一兩為細末以點

諸目病甚妙入硃砂五錢則性不黏也 產金銀坑中金銀之苗也狀如羊腦

鬆似石脂能點赤銅為黃 今之黃銅皆其所點煆紅童便淬七次研粉

水飛

下疳陰瘡甘石煨醋淬五次
一兩兒茶末三錢麻油調敷

無名異

重和血行傷

鹹入血甘和血治金瘡折傷癰疽腫毒

醋磨

止痛生肌

生

川廣小黑石子也一包數百枚

打傷腫痛無名異爲末酒服
趕下四肢之末血皆散矣

鍾乳

一名鵝管○補陽

甘溫陽明氣分藥

胃

本石之精強陰益陽通百節利九竅補

虛勞下乳汁

其氣慄悍令陽氣暴充飲食倍進昧者得此

肆淫發爲癰疽淋濁豈鍾乳之罪耶大抵命門火衰者可暫

用之否則便有害矣

出洞穴中石液凝成垂如冰柱如鵝

翎管碎之如爪甲光明者真蛇牀爲使畏紫石英惡牡丹忌

胡夢慈蒜羊血參朮

肺虛喘急不息光明生鍾乳粉五錢蠟三兩化和飯飯內蒸熟研丸梧子大溫

水丁
一九

石炭

一名煤炭燥去寒痛

甘辛溫有毒治婦人血氣痛及諸毒瘡金瘡出血小兒痰癰

去錫量制三黃礞砂消石 人有中煤氣毒者昏瞶至死唯

飲冷水卽解

金瘡出血急以石炭末厚敷之瘡深不宜速合者加滑石

石灰

重燥極止血

辛溫毒烈能堅物散血定痛生肌止金瘡血

臘月用黃牛膽汁和納瘡中陰

乾殺瘡蟲

足胙生瘡成漏名鱗漏以石灰溫泡薰洗覺痒卽是也洗數次愈○禾苗生蟲摻之卽除或加入豆

餅冀草之

蝕惡肉滅癰疽

和藥點瘡

解酒酸

酒家多用之然有灰之酒傷人

內用

止瀉痢崩帶收陰挺

陰肉挺出亦名一云菌或產後玉門不閉熬黃水

地澄清暖洗

脫肛消

積聚結核

風化者良

古礦灰

名地龍骨棺下尤佳

火毒已出主

頑瘡膿水淋漓斂瘡口尤妙

痰核紅火煅為

腥寒熱狀如瘰癧石灰末以白果肉同搗貼之

如無白果蜜調亦可

海石

一名浮石○轉堅消老痰結核

鹹轉堅寒潤下色白體輕入肺清

上源

肺為水之上源止故又治諸淋

嗽止渴通淋化上焦老痰消癭瘕名核

頑痰所結鹹能轉堅俞痰所結鹹能轉堅

屬木當浮而反沉肺屬金當沉而反浮何也肝實而肺虛也故石入水則沉而南海有浮水之石木入水則浮而南海有

沉水之香虛實之反如此

多服損人血氣

水沫日久結成海中者味

鹹更良

欬嗽不止海浮石末湯服或蜜丸服

陽起石 重補腎命

鹹溫補右腎命門治陰痿精乏子宮虛冷腰膝冷痺水腫癥

痕 命門火衰者可暫用之 宗奭曰凡石藥冷熱皆有毒宜酌用經曰石藥發癰芳草發狂

芳草之氣美石藥之氣悍二者相遇恐內傷脾 出齊州陽起山雲母根也雖大雪

遍境此山獨無以雲頭兩腳驚鷲毛色白溼潤者良 真者難得 火

煅醋淬七次研粉水飛亦有用燒酒血腦升煉取粉者桑螵

蛸爲使惡澤瀉茵桂畏菟絲子忌羊血 儒門事親方治丹毒腫痒陽起石煅研新

水調

慈石 一名吸鐵石○重補腎

辛鹹色黑屬水能引肺金之氣入腎補腎益精除煩祛熱治

羸弱周痺骨節痠痛

腎主

恐怯怔忡

十劑曰重可去怯

驚

癰腫核

鹹軟

上金瘡血

未敷能止痛斷血

通

耳腎

明目

腎水足則目明時珍

口一土病目漸生翳珍以羌活勝濕湯加減而以慈硃丸佐之兩月而愈蓋慈石入腎鎮養真陰使神水不外移硃砂入

心真養心血使邪火不上侵佐以神速消化滯氣溫養脾胃生之氣乃道家黃婆媒合嬰姪之理方見孫真人千金方

但云明目而未發出用藥之微義也

重鎮傷氣可暫用而不可久

經疏云石藥皆有毒

獨慈石沖和無悍猛之氣又能補腎益精然體重漬酒侵於丸散

色黑能吸鐵者真火煨

醋淬研末水飛或醋煮三日夜柴胡為使惡牡丹

誤吞針鐵者用活慈

石棗核大鑽孔線穿吞曳之立出○慈石取數如慈母之招子故名

代赭石

重鎮虛逆

苦寒入肝與心包血分除血熱治吐血崩漏帶胎動產難翻胃

噎膈仲景治傷寒汗吐下後心下痞鞭噎氣用代哮呬有聲

臥睡不得土精旋覆湯取其重以鎮虛逆未以養陰血也金瘡長肉 煨紅醋飲水飛乾薑為使畏雄附

空青重明日

甘酸而寒益肝明目通竅利水 產銅坑中大塊中空有水

者良世多偽為之亦中

石膽一名膽礬○宣吐風痰瀉飲效逆

酸滴辛寒有小毒入少陽膽經性酸而能上行涌吐風熱痰

涎發散風木相火治喉痺醪調嗽立人逆瘕癰崩淋能殺蟲

治牙蟲瘡毒陰蝕 產銅坑中乃銅之精液故能入肝磨鐵

作銅色者真形似空青鴨嘴色為上之人多以醋畏桂白微

辛夷荒花

兒鼻疳蝕爛膽燒爛盡研末搽之效

礬石

重燥去寒積

辛大熱有毒治堅癖瘕冷寒溼風痺

蘇恭曰攻寒冷之病最良時珍曰性氣與礬石

相近不鍊服殺人

有蒼白數種火燒但解血良能脫其堅置水不凍

者真

此石生于山無雪入水不水

惡羊血

砒石

大燥劫痰

辛苦而酸大熱大毒砒霜尤烈

生者名砒黃煩能燥痰可作鍊者名砒霜

吐藥療痰在胸膈除哮喘截瘧

今方伎家每用大厘常見捷效而害人之亦不少

外用

蝕敗肉殺蟲枯痔

出信州

故又名信石而隱信字為人言

衡州次之錫

之苗也

故錫亦有

畏羊血冷水綠豆

本草從新

礬石

砒石

青礬石

花礬石

土

金石部
卷十三

青礞石 重傷墜痰

甘鹹有毒體重沉墜色青入肝製以硝石能平肝下氣爲治

痰癖結之神藥

痰着青礞卽化爲水王隱君養生主論有礞石滾痰丸礞石煅硝各二兩煅研水飛

淨一兩大黃蒸八兩黃芩酒洗八兩沉香五錢爲末水丸量虛實服時珍曰風木太過來制脾土氣不運化積帶生痰壅塞上中二焦變生諸病礞石重墜硝性疎快使痰積通利諸證自除 氣弱血虛者大忌 堅

細青黑中有白星點硝石礞石等分打碎拌勻入砂鍋煨至

硝盡石色如金爲度如無金星者不入藥研末水飛去硝毒

花蕊石 一名花乳石 〇 牆止金瘡血化瘀

酸滯氣平頗入肝經血分能化瘀血爲水止金瘡出血

刮不敷之

卽合仍不作膿局方治損傷諸下死胎胞衣惡血化則大血胎產惡血血運有花乳石散

損陰血 出陝華代地體堅色黃煨研水飛

石燕 通利疑行淫熱

甘涼利疑行淫熱治諸般淋瀝月水湛濁赤白帶下腸風痔

瘻眼目障翳天出零陵

宋入修本草以食鍾乳禽石燕混收入此石燕下故世俗誤傳此石能助

陽不知其或者煮汁或磨汁或為末水飛 襪襪吐乳久患味嗽正相反也 蜜調未塗唇上日三

次五

石蟹 重瀉明目

鹹寒治青盲目翳天行熱疾解一切金石藥毒醋磨敷癰腫

出南海體質石也而與蟹相似細研水飛

聖濟總錄方治喉痺腫痛石蟹

磨水飲并塗喉外 以上石類

本草從新

石燕 石蟹 食鹽

金石部

食鹽

瀉熱潤燥補心通二便宜涌吐為諸藥引經

鹹甘辛寒鹹潤下故通大小便鹹走血而寒勝熱故治目赤

癰腫血熱鹹補心故治心虛

以水制火取既濟之義故補心藥用鹽炒一人病笑不休用鹽

炒赤煎沸飲之而瘳經曰神有餘則笑不休神心火也鹹入用鹽水制火也一婦病此半年張子和亦用此法而愈

腎

故補腎藥用鹽湯下

而主骨故堅筋骨治骨病齒痛

際牙甚佳清火固齒齒縫出血

夜以鹽厚敷齦上瀝涎盡乃臥或問鹹能軟堅何

以堅筋骨不知骨消筋緩因於淫熱為熱即安矣鹹潤燥而

辛泄肺

煎鹽用皂角收故味微辛今南方多石灰收

故治痰飲喘逆鹹軟堅故治

結核積聚又能涌吐醒酒

水勝火

解毒

火熱即毒也殺蟲將軍能散火涼血

中蠱蠱毒每夕蠅鳴於體倍教以鹽湯洗身數日而愈

定痛止癢

體如人行風熱也鹽湯浴三四次佳亦治

一切風氣凡湯火傷急以鹽洗日去風

凡痰嗽哮喘

證傷肺

血病消渴

走血
滲津

及水脹俱大忌

或引痰生或凝血脈或助水

邪或損顏色或傷筋力故西北人不耐鹹少病多壽東南人

嗜鹹少壽多病

嘉言曰經謂味過於鹹大骨氣勞以食鹽過多峻補其腎腰骨高大之所其氣忽積喜於

作勞氣既勃勃內動則精關勃勃欲開雖不見可欲而不覺
關開莫制矣嘗見高僧高道棲真習定忽焉氣動精傾乃知
味過於鹹大骨氣勞之說不盡闕於情慾也經謂強力入房
腎氣乃傷高骨乃壞此固嗜欲無節者之本病奈何清修卓
練之士每於蔬菜間多食鹹藏厚味以虧道體無有以內經
之理一陳其前者及病已成而食淡齋長年累月自苦亦足
補偏救弊然不如當日味勿過鹹之超矣○鹽品頗多江淮
南北鹽生於海山西解州鹽生於池四川雲南鹽生於井戎
鹽生於土光明鹽或生於階成山崖或產於五原鹽池狀若
水晶不假煎煉故一名水晶鹽石鹽生於石木鹽生於樹蓬
鹽生於草造化
之妙誠難窮也

戎鹽

一名青鹽○補腎瀉血熱

甘鹹而寒入肝腎助水臟平血熱治目痛赤澀散肝經吐血

燭血齒舌出血堅骨固齒擦牙明目烏鬚功同食鹽而更勝

之出西羌不假煎煉方稜明瑩色青者良風眼爛弦戎鹽化水點之

凝水石瀉熱

辛鹹大寒治時氣熱盛口渴水腫鹽精滲入土中年久結

成清瑩有稜入水即化亦名寒水石古方所用寒水石是凝水石唐宋諸方用寒水

石即石膏

元精石瀉熱救陰

太陰之精鹹寒而降治上盛之虛救陰助陽同硫黃有扶危

拯逆之功正陽丹用治傷寒壯熱來復丹用治伏暑熱瀉出解池通泰積鹽處鹹

鹵所結青白瑩徹片皆六稜者良

今世用者多是絳石

朴硝

即皮硝

芒硝

○大瀉潤燥軟堅

辛能潤燥鹹能軟堅苦能下泄大寒能除熱朴硝醋涇恆急

芒硝經煉稍緩能蕩滌三焦腸胃實熱推陳致新

與大黃同蓋邪氣不

除正氣不能復也治陽強之病傷寒

經曰人之傷於寒也必病熱蓋寒鬱而為熱也疫痢積

聚結癖留血停痰黃疸淋閉癰癤瘡腫目赤障翳通經墮胎

經疏云硝者消也五金入石皆能消之况臟腑之積聚乎其

直往無前之性所謂無堅不破無熱不蕩者也病非邪實深

固閉結不通不可輕投恐誤伐下焦真陰故也無已曰熱淫

於內治以鹹寒氣堅者以鹹軟之熱盛者以寒消之故仲景

大陷胸湯大承氣湯調胃承氣湯皆用芒硝以軟堅去實熱

結不至堅者不可用也佐之以苦故用大黃相須為使按芒

硝消散破結賴堅大黃推蕩走而不守故二藥相須同為峻

下之劑好古曰本草言若之墮胎然妊娠傷寒可下者兼用

金石部

大黃以潤燥軟堅瀉熱而母子相安經曰有故無殞亦無殞也此之謂與謂藥自病當之故胎無患也

硝能

柔五金化七十二石為水生於鹵地刮取煎鍊在底者為朴

硝在上者為芒硝有牙者為馬牙硝置風日中消盡水氣輕

白如粉為風化硝大黃為使

本經別錄朴硝硝石雖分二種而氣味主治畧同後人辨論紛

然究無定指時珍曰朴硝下降屬水性寒硝石為造炮焰硝上升屬火性溫

元明粉

瀉熱潤燥軟堅

辛甘鹹冷去胃中實熱瀉腸中宿垢

初菴曰有瀉痢不止用大黃元明粉以推瀉之

而瀉痢反止蓋宿垢不淨痰濕燥破結消腫明

目血熱去則腫消而目

明

朴硝煎化同萊菔煮再同甘草煎入罐煅煉去其鹹寒

之性陰中有陽性稍和緩用代朴硝胃虛無實熱者均為大

戒俱忌苦參

礞砂 瀉消肉積

鹹苦辛熱有毒消食破瘀治噎膈癥瘕去目翳弩肉凡煮硬肉投少

許即易爛故治噎膈癥瘕肉積有殊功 熱毒之性能爛五金本草稱其能化

人心為血亦甚言不可輕用爾 出西戎乃鹵液結成狀如

鹽塊置冷溼處即化白淨者良水飛過醋煮乾如霜刮下用

鼻中息肉礞砂點之即落懸癰李 腫礞砂伍錢綿裹含之噤津即安

礞砂 瀉去痰熱

甘鹹而涼色白質輕故除上焦胸膈之痰熱治喉痹口齒諸

病初覺喉中腫痛含能柔五金而去垢膩故治噎膈積塊結

核弩肉目翳骨哽

鹹能軟堅含之嚥汁

證非有餘切勿輕用

出西

番者白如明礬山南番者黃如桃膠能制汞啞銅

礬砂礬砂並可作金

銀

石硫黃

大燥補陽殺蟲

味酸有毒大熱純陽

硫黃陽精極熱與大黃極寒並號將軍

補命門真火不足

性雖熱而疏利大腸與燥瀉者不同

熱藥多秘唯硫黃暖而能通

若陽氣

暴絕陰毒傷寒久患寒瀉脾胃虛寒命欲垂絕者用之亦救

危妙藥也治寒瘰冷痺足寒無力老人虛秘

局方用半硫丸

婦人陰

蝕小兒慢驚暖精壯陽殺蟲療瘡辟鬼魅化五金能乾汞

硫黃

純陽鍊製久服則有偏勝之害况服食者又皆假此縱欲自速其咎於藥何責孫升談圃云硫黃大熱火鍊服之多發背

疽疔宅編云金液丹乃硫黃煉成純陽之物有痼冷者所宜
今夏月人多服之反生火害○夷堅志云唐與正亦知醫能
以意治病吳巡檢病不得復臥則微通立則不能涓滴遍用
通藥不效唐問其平日自製黑錫丹常服因悟曰此必結砂
時硫飛去鉛不死鉛砂入膀胱臥則偏重猶可復立則正塞
水道故不通取金液丹三百粒分十服瞿麥湯下鉛得疏則
化水道遂利家母舅童時亦病溺瀉服通淋藥罔效老醫黃
五聚視之曰此乃外皮竅小故溺時艱阻非淋證也以牛骨
作屑塞於皮端竅漸展開使重服通利藥得不更變
他證乎○硫能化鉛爲水修煉家尊之爲金液丹 用之

得當兼以製鍊得宜淫房斷絕者能之一有不當貽禍匪輕

番舶者良

最難得

取色黃如石者以萊菔剉空入硫合定糠

火煨熟去其臭氣以紫背浮萍煮過消其火毒以皂莢湯淘

其黑漿一法絹袋盛酒煮三日夜一法入豬大腸爛煮三時

畏細辛醋諸血 土硫黃辛熱腥臭止可入瘡藥不可服餌

白礬 清燥溼化痰

酸鹹而寒性瀉而收燥涇追涎化痰墮濁解毒除風殺蟲止

血定痛通大小便蝕惡肉生好肉除癰熱在骨髓髓為熱所劫則空故

骨痿而齒浮治驚癇黃疸血痛喉痺齒痛風眼鼻中瘰肉崩帶脫

肛陰蝕陰挺陰肉挺出肝經之火疔腫癰疽瘰癧瘡癰虎犬蛇蟲咬傷

李迅曰凡發背當服蠟礬丸以護膜防毒氣內攻礬一兩黃

蠟七錢溶化和丸每服十九丸漸加至二十九丸日服百丸則有

力此藥護膜托裏解毒化膿之功甚大時珍曰能吐風熱痰

涎取其酸苦涌泄也治諸血痛陰挺脫肛瘡瘍取其酸澀而

收也治風眼痰飲泄痢崩帶取其收而燥涇也治喉痺癰瘰

蛇傷取其解毒也○以白礬芽茶搗末冷水服解一切毒

多服損心肺傷腎

宗奭曰卻水故也書紙上水

取潔白

光瑩者煨用生用解毒煨用生肌又法以火煨地灑水於上

取礬布地以盤覆之四面灰擁一日夜礬飛盤上掃收之爲礬精未盡者更加前法再以醋化之名礬華七日可用百日

綠礬醋燥溼化痰

酸涌涼散清收燥溼化痰解毒殺蟲利小便消食積同健脾藥用

散喉痺醋調嚙汁時珍曰脹滿黃腫瘡痢方多用之其源則目仲景用礬石硝石治女勞黃疸方中變化而來

主治暑同白礬 一名阜礬以其可以染阜色故名 深青瑩潔者良煖

赤名絳礬能入血分伐肝木燥脾溼張三才仙傳方載伐木丸蒼朮二觔米泔浸黃

酒麴麴四兩炒絳礬一觔醋拌曬乾入瓶火煨爲末醋和丸酒下治木來尅土心腹中滿或黃腫如土色

消石

辛苦微鹹大熱毒烈治傷冷霍亂吐利心腹病痛破積散堅

不宜輕服

又名火硝焰硝

得火則焰故名朴硝陰寒屬水下走能蕩滌積滯消石大

熱屬火上升能破積散堅煅製礞石則除積滯痰飲蓋礞石性寒而降消石性熱而升一升一降一陰一陽此制方之妙也

○以上鹵石類